

---

**DITAME SOBRE O PROXECTO DE DECRETO POLO QUE SE ESTABLECE O REGULAMENTO ORGÁNICO DAS ESCOLAS OFICIAIS DE IDIOMAS DA COMUNIDADE AUTÓNOMA DE GALICIA.**

---

O Pleno do Consello Escolar de Galicia, na súa sesión do día 29 de abril de 2010, emite o seguinte ditame en relación co proxecto de decreto polo que se establece o regulamento orgánico das escolas oficiais de idiomas da Comunidade Autónoma de Galicia.

- 1.- No artigo 2º, punto 1, proponse un texto de adición ao final do mesmo, co texto seguinte "**O estudo do portugués terá un fomento especial**". *Páxina 3, liña 2.*
- 2.- Para o punto 2 dese mesmo artigo, proponse un texto de adición ao final do parágrafo que diga: "**oído o claustro e o consello escolar da EOI**". *Páxina 3, liña 7.*
- 3.- Proponse un novo punto para o artigo 3º co seguinte texto: "**8. A Consellería de Educación e Ordenación Universitaria estudará a creación de escolas oficiais de idiomas nos concellos de máis de 25.000 habitantes onde a demanda o xustifique**". *Páxina 3, liña 40.*
- 4.- No punto 3 do artigo 4º proponse a substitución da verba: "adecuadas", pola seguinte: "**establecidas**". *Páxina 3, liña 49.*
- 5.- No punto 2 do artigo 5º proponse a inclusión da expresión: "**e a segunda xefatura de estudos**", seguidamente despois de: "Establecerase unha vicedirección". *Páxina 4, liña 10.*
- 6.- Nese mesmo punto 2 do artigo 5º proponse a substitución da expresión "setecentos cincuenta estudiantes"; pola seguinte: "**cincocentos estudiantes**". *Páxina 4, liña 11.*
- 7.- Para o artigo 7º, punto 5, proponse un texto de adición ao final do parágrafo que diga: "**que terá os mesmos dereitos laborais, económicos e administrativos**". *Páxina 4, liña 46.*
- 8.- Proponse no artigo 9º, punto 1, apartado a), un texto de adición ao final do parágrafo que diga: "**tendo os mesmos dereitos laborais, económicos e administrativos**". *Páxina 6, liña 1.*
- 9.- Proponse que no punto 1 do artigo 9º se suprima o seguinte apartado: "**i) Coordinar as actividades de formación para o profesorado da escola, propoñendo e impulsando a súa participación nun plan de formación**". *Páxina 6, liñas 17-18.*

10.- No punto 4 do artigo 12º proponse engadir a continuación de: “cando a dita ausencia implique profesorado substituto”, o seguinte texto: “**e terá os mesmos dereitos laborais, administrativos e económicos**”. *Páxina 7, liña 46.*

11.- O Consello Escolar de Galicia propón que se substitúa no texto do proxecto de decreto a expresión: “Equipo de dinamización da lingua galega”, pola seguinte: “**Equipo de normalización e dinamización da lingua galega**”. En concreto nos artigos 21º.e), 25º.c), 39º.3.f), 41º, 41º.1, 41º.3, 42º, 42º.a), 43º, 43º.1, 44º, 44º.a), 44º.e) e 51º.1.

12.- No artigo 25º proponse a substitución do texto: “e) Coordinación do equipo das tecnoloxías da información e a comunicación, e de biblioteca”, polo seguinte:

**“e) Coordinación do equipo das tecnoloxías da información e a comunicación.**

**f) Coordinación de bibliotecas”.**

En consecuencia, o apartado *f) Titorías* pasaría a ser o apartado *g)*. (*Páxina 12, liñas 19 a 21*).

13.- No mesmo artigo 25º proponse a inclusión dun novo apartado: “**g) Coordinación de formación permanente do profesorado**”. *Páxina 12, liña 22.*

14.- No punto 4 do artigo 27º proponse a inclusión da expresión “**Ao exercicio de cada coordinación corresponderalle unha redución de dúas horas lectivas**”, seguidamente despois de: “responsables para as seguintes coordinacións”. *Páxina 12, liña 46.*

15.- Para o artigo 28º proponse a supresión do seguinte apartado: “**g) Organizar, administrar, avaliar e, no seu caso, elaborar as diferentes probas encomendadas pola Consellería competente en materia de Educación, baixo a coordinación da xefatura de departamento, aplicando adecuadamente os estándares establecidos para as distintas probas e asistir, cando cumpra, as actividades de formación organizadas para o efecto**”. *Páxina 13, liñas 20-24.*

16.- Para o punto 6 do artigo 29º proponse un texto de adición ao final do parágrafo, que diga: “**e debe ter os mesmos dereitos laborais, administrativos e económicos**”. *Páxina 14, liña 11.*

17.- Para o artigo 27º proponse un novo punto co seguinte texto: “**7. Ás xefaturas de departamentos didácticos corresponderalles unha redución de horario lectivo de entre 3 e 6 horas en función do número de docentes que componan o departamento, agás no caso dos departamentos unipessoais en que a redución será dunha hora**”. *Páxina 14, liña 12.*

18.- Para o punto 1 do artigo 31º proponse a supresión do seguinte apartado: “**d) Incorporación dun funcionario do corpo de catedráticos de escolas oficiais de idiomas**”. *Páxina 15, liñas 26-27.*

19.- Proponse un novo texto de redacción para o artigo 36º, que diga: “**As probas de certificación serán elaboradas pola propia Consellería. Constituiranse grupos con liberación horaria para elaborar estas probas, impartíndolle formación específica necesaria a este profesorado**”. *Páxinas 16-17, liñas 45 a 7.*

20.- O Consello Escolar de Galicia propón que se inclúa un novo artigo 38º bis que recolla ao coordinador de formación do profesorado coas funcións establecidas no decreto 99/2006. *Páxina 17, liña 30.*

21.- No punto 4 do artigo 39º propone a substitución da expresión “oídos os”; pola seguinte: “**de acordo cos**”. *Páxina 17, liñas 50-51.*

22.- No punto 3 do artigo 41º propone engadir ao final do parágrafo a seguinte expresión: “**de acordo co claustro de profesores**”. *Páxina 18, liña 50.*

23.- O Consello Escolar de Galicia propón que o artigo 47. Titorías, se cambie de lugar dentro do proxecto de decreto xa que as titorías non son órganos de coordinación e, polo tanto, non poden aparecer baixo ese epígrafe.

24.- Na disposición adicional segunda propone unha nova redacción co seguinte texto: “**Determinadas ensinanzas de idiomas do nivel básico poderán ser impartidas en institucións de ensino secundario como seccións**”. *Páxina 29, liñas 26-27.*

25.- O Consello Escolar de Galicia recoméndalle á Administración educativa que axuste o disposto neste proxecto de decreto no relativo ao proxecto lingüístico do centro e aos equipos de dinamización lingüística, ao establecido no Decreto 124/2007, do 28 de xuño, polo que se regula o uso e a promoción do galego no sistema educativo.

26.- Recoméndalle tamén que na orde de desenvolvemento deste decreto, concretamente no referente ao establecido no artigo 2º.4, se teña en conta que a autorización e modificación das ensinanzas e da oferta formativa sexa adecuada ao réxime das escolas oficiais de idiomas, que son ensinanzas especiais, e que as posibles modificacións sexan feitas, con carácter xeral, con anterioridade ao inicio das actividades lectivas.

V. e pr.  
O Vicepresidente,

Fernando del Pozo Andrés

